

KOLEJ UNIVERSITI TEKNIKAL KEBANGSAAN MALAYSIA

KUTKM.02/10.12/2 (11)

21 NOVEMBER 2001

PEKELILING PENTADBIRAN BIL. 11/2001

STAF MENYERTAI KEGIATAN YANG BERCANGGAH DENGAN PERATURAN

Adalah dimaklumkan bahawa setiap staf Universiti ini adalah dilarang menyertai sebarang kegiatan dengan menganggotai pertubuhan yang mana pertubuhan-pertubuhan berkenaan boleh ditakrifkan sebagai menjalankan gerakan '**bawah tanah**'. Staf juga dilarang melakukan kegiatan bercorak militan serta bersikap subsersif dengan menjalankan kegiatan menghasut dan meracuni pemikiran para pelajar atau pihak-pihak lain. Oleh itu, staf Universiti ini sewajarnya pada setiap masa perlu mematuhi segala peraturan dan syarat-syarat perkhidmatan yang ditetapkan dalam Akta Badan-Badan Berkanun (Tatatertib dan Surcaj) 2000 (Akta 605) atau peraturan-peraturan lain yang ditetapkan oleh Universiti dan Kerajaan. Sebagaimana maklum Jadual Kedua, Bahagian II Bab TATAKELAKUAN Seksyen 3 di bawah peruntukan Am Akta Badan Berkanun di atas jelas menetapkan bahawa:

"3.(1) Seseorang pegawai hendaklah pada setiap masa memberikan taat setianya yang tidak berbelah bahagi kepada Yang Dipertuan Agong, Negara, Kerajaan dan Badan Berkanun."

2. Dengan ini semua staf hendaklah mengambil maklum di atas ketetapan tersebut dan dapat memastikan bahawa staf tidak terlibat samada secara langsung atau tidak dengan menyertai kegiatan atau aktiviti yang dinyatakan di perenggan 1. Tindakan tatatertib boleh dikenakan sekiranya dengan penyertaan atau penglibatan staf ianya boleh memburukkan, mencemarkan dan menjejaskan nama baik Kolej Universiti Teknikal Kebangsaan Malaysia.

Sekian dan diharapkan semua staf dapat mengambil maklum dan memberi perhatian penting terhadap arahan yang dikeluarkan ini. Pekeliling ini adalah berkuatkuasa serta merta.

'BERKHIDMAT UNTUK NEGARA '

Yang benar,

HASAN BIN SIRUN

Pendaftar

sk YBhg. Datuk Rektor
 Timbalan Rektor Akademik
 Timbalan Rektor (Pembangunan & Perancangan Korporat)
 Pegawai-pegawai Kanan/ Dekan/Pengarah